


東廳須問 續二





樞密院記述別集卷之二目錄

祀典典故

國恤

服制

山陵


黃朝

園墓宮廟

黃牓

廟庭祀享

士庶祭制





櫺蓀室記述別集卷之二目錄

祀典典故

國恤

服制

山陵

葬制

園墓宮廟

藏胎

廟庭配享

士庶喪制



士庶無異

南風吹草

節操

國風習靡

山窮水盡

相傳

國勢

外興與始

附錄更時年國風卷之二目錄



懋恭室記述別集卷之二

祀典典故

國恤

太宗八年 太祖薨 上哀毀不聽政 領議政河崙等上

疏六曹宰百官陳請不允 議政府又請曰 近日飲膳甚菲

臣等不勝驚懼 上曰 予於平日亦不嗜盛膳 但一味而

已黃儼諡等在館 上以淡飯乘素輦如客館慰儼之憂

請肉膳 上辭曰 三年之喪 自天子達于庶人 今我淡飯

且為使臣在宮中服長經 不可食肉 固請不許 竇璽

○太宗十年 詣文昭殿行禪祭百官以古例請賀 不許

○世宗二年 大妃薨 上王遣趙末生諭 上以以日

易月之議 上謂末生曰 以日易月之制 予讀史至此每



為之報然今反忍行此制乎三年之喪雖不敢復請十三日而釋服誠所不忍卿其善啓末生還啓上王岳泣許之

○四年五月

太宗薨禮曹請用易月之制

上曰易月之

制漢唐以下中主所為非先王之法

大妃之喪禮官承

父王之命定用易月之制予毋請於

父王山陵之後

乃釋哀服

今欲使釋服於二十五日則反不及前密予欲

哀服三年

然不可以哀服視事故欲於卒哭後權免喪服

以白衣視事

若過喪事皆用喪服祥禫之制一遵古禮百

官可依易月之制

議政府六曹啓曰

太祖之喪

太上

從易月之制

釋服宮中實行三年之喪故臣等敢以此啓

但臣子一也

殿下方在哀經而羣臣釋服有違於義乞



令羣臣於卒笑後釋服許之 寶鑑

○世宗謂近臣曰予在裒經之中久不御經選若後世視以為法幼主即位終三年不讀書豈小故哉令軍國重事亦不得已聽折究讀書乎遂開經筵 上全

○世宗壬寅 太宗義禁府照律青山縣監卓祔謂君惡輕

於父母之喪情淡不忠比大明律謀反凌遲處死磔死杖一百官奴定屬籍沒家產妻子為奴 東閣雜記

○成宗癸卯貞熹王后在溫陽上賓奉安櫬宮于城外永順君家許琮啓曰昔世宗時河崙死於外命入城殯其

家重大臣也今以世倭拘忌大行王妃櫬宮在城外其失不細臣竊痛之 許忠貞行狀名臣錄

○成廟昇遐之日城中士大夫臣族多有婚媾者或乘朝



而往或當午而往或若不知而往其後事覺皆抵罪竹城  
君朴之輩武人不解文字前一日是醮子之夕賓僚畢集  
忽聞大內疾劇乃曰君父不豫臣子何忍私行婚禮遂謝  
絕賓僚而返之時有議者曰儒林反不如武士可歎也已  
幅齋  
義話

○國恤所用梓宮臨時造辦 世宗十五年舍人鄭陟請  
預造壽宮朝廷是之達長生殿仍使陟廣取黃腸木監造  
壽器大恤之制始無憾矣

○中宗庚寅 王大妃薨 貞顯  
王后 上常處外閣大臣請還  
大內不從

仁宗諒闇

詳

紀

仁



○明廟密李滉拜禮判八月違職南還人皆疑其去就滉曰昔考亭以煨章閣待制不待孝宗發引而行義所當去不得不爾也陳章自劾乞致仕不允名臣錄

明廟卒笑後宣廟御經筵朴淳出語人曰卒哭前御經筵只臨文讀之無質問之語羣臣頻疑閣略卒笑後則反覆辨論出人意表是行倚廬不言之禮也羣下不鮮

上意耳

石潭日記

○二年己巳明宗禪祭舊例禫後陳賀校理李珥謂同僚曰自上喪制甫畢遽即受賀揆之情禮實為未安百官哭泣之餘旋即陳賀是歌笑同時也乃上劄請行慰禮停賀上問于大臣大臣亦以為然遂停賀石潭日記

○八年乙亥仁順昇遐上八朔不從權恭懿大妃

勸肉而堅執不從洪遲言於上曰仁廟行素太固出

接天使時天使勸膳仁廟出御手瘦黑太甚人皆以為

消瘠如此勢難支俾仁宗果以此成疾不起李珣曰昔

成廟亦有志於執喪盡禮行素既久自覺漸憊不能支乃

曰素食果難予當以不迤女色為盡心之地乃進肉膳而

三年不迤女色此非誠孝不足勢難故也上終不許上同

○十二年己卯仁聖王后禪祭日定為受賀之儀兩司

啓曰哭泣行祭而遽受賀禮吉凶相襲非禮也請勿受賀

上曰舊例不可改兩司爭之上曰異議之習不可長也

吾非欲受賀也上同

宣廟初喪揔護使

啓曰初喪將斂大臣揔護使

禮曹判書都監堂上承旨八侍明有祖宗朝已行之規



故玉堂劄請蒙允矣及內史召八使大臣等伏在西庭歛  
畢而將舉尸入棺乃始陞殿一度臨哭而出若其必誠必  
慎之禮則只令內侍數人專管行事殊欠禮經古意今當  
勘撰謄錄當為後世成憲五禮儀雖不詳載而先朝已  
行之例必有流傳可為取式者乞追附於初喪條下使後人  
有所考據

白秋  
集  
卷

明宗初喪百官皆列於各位若飲食便溺時暫出即復  
位宣祖昇遐初百官為位而舉哀即敬處各直房非

古例也

道泉  
雜記

○宣祖初喪書銘旌議曰初喪凡書大行者以時未易名  
只書大行以懿其稱耳此則既有平日所上尊號則當書  
尊號無疑議者多以為五禮儀詔云如是且初喪情文未

備只書大行意或有在臣謹從衆論不敢自是

白沙集  
叔議

○大行發引時所用軍丁六千餘名例徵發諸道  
宣廟發引時兵判李廷龜請用坊民遂為定式

名臣錄  
六千作八千  
魚載

○仁祖十年壬申 仁穆大妃昇遐于別宮有司方議奔

笑之節兩司將請 上乘小輿掌令金德承獨曰三年之

喪無責賤一也奔笑請乘輿出藥房保護之言則或可也

臺諫非其任遂止之

金德承字可久金  
海人官至司議正

仁穆在殯承旨李敬輿 啓百僚朝謁禮之大者而賓天

翌日遽為停廢是果情理之可安而節文之無缺乎大臣

請從政院之啓 上從之命殯殿甫拜一依常時遂為著

令



時有漢人李都司者賁咨而至未幾 仁穆昇遷都司聞

曰中國則過國喪家家戶戶皆自舉哀貴邦未聞有哭聲者何耶接伴官對以至尊之喪里巷之哭所不敢也都司哂之接伴之對蓋倉卒臆料者也我國所以不能純於中國者類如此 台卷三 官記

○全集進喪禮異同議劄曰五禮儀多用開元禮而泥於短喪之謬添刪之際闕漏甚多或舉其細而遺其大或急於文而緩於實今我 殿下誠孝內發款盡情文而反因循牽制不能一反古禮則豈不重可恨也茲錄五禮儀與古禮逐條同異畧論梗槩隨疏并聞乞賜 睿裁

○國恤時宗室文武百官妻妾服荼服之節出於儀註而未聞有行之者昇平金塗嘉聞訃之初下庭舉哀又行成

服節次

○仁祖初喪五禮儀無大臣近侍八帑殮殯之文只於明宣兩朝喪始諱行之至是禮官趙翼據故事請令八帑

上以五禮儀所無難之俞榮劉引周禮仁記及通典所載

漢唐之禮請從禮官之請上允之遂為定制

魯西集

○中古以上廬墓之時士夫家更奉前喪之主并祭於墓

所故仁祖喪時朝議欲奉仁烈王后之主并祭朝夕

於仁祖魂殿全集以為吉處不可雜而止之

晦隱集

○赴哀一節以朱子為郡時事觀之則其境內士大夫笑於

其官府既有明文古者又有在朝者笑於朝在野者笑於

野之說矣以近世言柳成龍極言外臣八哭之非而近年以



來則外臣赴笑成一令甲

仁祖喪參議宋國澤

明聖王  
后外祖

以緩赴而被論於執義金弘郁尹善道以不赴臺官論啓  
甚久金集赴朝後其論遂止然宋神宗喪司馬溫公自洛  
入臨於汴京竊謂赴與不赴各一其義也

九  
集

○國喪服制邊方不舉哀云者乃欲令敵人不知有國喪  
也邊將之守喪制則何以異於內地乎武夫之輩其於酒  
食姬妓一如平時誠可寒心

聽天達  
聞錄

○南九萬奉命廬湖南道承

孝宗諱奔赴命卒事邊

昆俞  
集

○國恤時居憂人成服者趙錫胤不成服只以私喪服笑

關外者南老星

晦隱  
集

○國恤時大內及王子女家進香也必以錦絹裁成各樣

花實押於油蜜果如梅梨杜鵑海棠茱萸蓮花牡丹柑柚

红柿之類無不遵真糜費甚鉅自國初建己亥 孝廟大  
密皆然過五六年後於 孝廟硯甲中得 御書一張乃  
遺戒勿用練花者也自癸丑年 寧陵遷奉時進香不復

用練花

公和  
見聞

○孝廟殯殮梓宮

八  
宗記 孝

○顯廟甲寅

仁宣王后初喪第二日下

教曰王體浮

氣漸重若依禮文三日後小殮則必有意外之變今日欣

為小殮矣右相金壽興

啓曰壬申年

仁穆王后之喪

初日適緣夜深不得行襲儀殯殿都監啓辭以為

懿仁

王后以六月二十七日昇遐而二十八日行襲 宣祖二

月初一日昇遐而初二日行襲儀此乃事勢之不得已而

然今亦依舊例退定云云而小歛仍行於第二日又於己



丑年 先王下教曰今日午後浮氣漸盛今日必歛小斂

禮官往議于領敦寧金尚憲大司憲趙翼大司諫李行遇  
則皆以為事有經權似難膠守禮制此日中時行之 先

朝已行之例雖如此係是變禮令禮官問于三司長官後

更稟云二禮曹啓以大憲南龍翼副學李端夏大諫李頤

相皆以為今時與夏月有間似當依禮經行之云云兩司

仍為令啓請依禮退行 上不聽以卽時行小斂

同朝典謨

仁宣初喪以梓宮尺數過長不稱於見樣特命閭闔板材

可令者覓進院相金壽興以為 祖宗朝以來不稱尺數

者何限而曾無臨時變改之事請以衣服補空用之兩司

令啓王臺上劄皆不聽又 教曰今日言者皆以 祖宗

朝以來必用長生殿梓宮為言予非不知此意而空缺歲

以衣樹填補則發軔前累朝之間安保其無欠且廣刺只  
是一分此尤難處矣三司長官及諸承旨招來問啓殯殿  
都監啓曰諸臣等皆以為初只以梓宮過長之故有所陳  
達必欲仍用而至於廣刺之不足今始聞之始知決不可  
用矣遂以寧陵遷厝時別脩梓宮用之而長廣太過故  
衣樹稱數不限常規則為多用密仁補空國朝典謨

○甲寅 顯宗昇避小歛將進行右相金壽興啓 仁穆

懿仁之喪 宣祖 仁祖大恤俱以事勢之不得已進行  
襲歛既有 先朝已行之例事有不得不變通者則亦不  
無權道大憲南龍翼副提學李端夏大司諫李翊相等皆  
以三日小歛載五禮儀雖有前例不可變通不從

時領議政許積為阮相請與左議政金壽恒右議政鄭知



和領中樞宋時烈同為院相從之及肅宗即位政院以舊例請院相罷出命仍直公除後又命輪直

禮曹請前銜三品以下成服後復職者依己亥例以白帽白圍領熟麻帶

肅廟教以梓宮加漆時百官會哭不但老病宰臣有致傷之患各司廢坐可慮今後勿令會哭大臣以為舊例不可全廢只令二品以上兩司進參從之寶鑑

時仁宣王后喪制未終大行靈輿設衾枕用素色其餘用吉色哀服及杖置安於靈座東返虞日埋安于魂殿後屏處時中殿下教曰國恤初喪例用素膳固已知之而今此禮書草記仁宣王后三年內虞祭前宜用素膳云百

官既已庭請復常膳時以三頭廟惠則及今自內祭需當

以常膳為之矣述而

禮曹以嗣位節日八達下 令曰天崩國極之痛又聞此

言五內如焚節目還下令禮官更為議定院相以下以成

服日不可不嗣位之意四達令日三達玉堂陳劄皆不從

大臣率百官啓于 中殿 王大妃殿請自內勸諭兩司

始許述而

○五禮儀無復職人進服哀服之文乙卯八月尹鐫送言

禮曹曰復職人終不着哀服已浹未安況其後致仕卿宰

者只以白衣終三年尤不當禮曹啓稟問于大臣許積以

為凡服雖不可非時追改因練着哀未為不可依施述而

肅宗乙卯九月史判尹鐫啓 魂殿朝望之祭每於四



更設行非但恐有 玉候之致傷於禮亦不必然禮有質  
明行事之文蓋翔望之奠異於大祭故禮有朝夕奠逮日  
之文日氣漸寒在 聖上慎疾之道尤難冒曉行祀故敢  
此仰達右相許禮曰先行 宗廟祭而後行 祫殿祭其  
禮不必同也 上曰先行 宗廟祭而後行朝望奠於祫  
殿於理無未安之嫌此後朝望之祭質明設行可也 述而

○肅宗乙卯 顯廟小祥前祈雨親臨祭時依禮文及庚  
寅已行例用樂 寶鑑

○七年辛酉禮判呂聖齊言國恤三年內祭祀雖無用脯  
醢之規而今永昭殿親臨有異常例依禮文用脯醢似宜  
閔鼎重享端夏皆言國朝三年內祭祀用素非古禮用脯

鹽無不可 上可之 寶鑑

禮判呂聖齊曰 永昭殿禪後山陵尚用笑泣之節而視  
殿則用樂吉云相難 上問議于大臣儒臣閔鼎重奎壽  
恒鄭知和皆曰五禮儀禪後用樂乃禮之常而今日之仍  
行上食出於遵行近例山陵笑禮又倣先賢三年後上塚  
亦笑之文皆出於權宜之制遵常而不能變乎權古亦有  
耳因權而反以致疑於常恐無是理 上教曰不可以一  
時之權廢應行之禮依禮用樂可也 寶鑑

○六年庚申 仁敬王后國恤朝臣之承訃於二十六日  
者雖舉哀踰日成服於初一日承訃於二十七日者成服  
於初二日陪從於時御所者勿論承訃先後使之從服於  
自上成服之日時 上在別宮 中宮昇殿 慶德宮 聞喪於翌日故



也 寶鑑

○九年癸亥 明聖王后遺教曰朔望祭果器數勿用前例皆減半朝夕奠油果餅餌各一器各道各司諸宮家進香并令傳止目今國儲蕩竭民力亦盡諸大夫毋循舊例一切省節則雖予魂魄亦可以安矣遂命有司一以遺教從事

○二十七年辛巳 仁顯王后國恤時八月二十領相崔錫昇 啓曰國恤時元無禁葬之令而在前山陵未定之前士夫家或多未行葬禮因而成俗而禮曰葬先輕而後重并有父母喪者先葬母而後葬父以葬是定奪之事故也君重親輕士夫之先葬親於禮不違且大夫士庶人之

葬期各有月數若踰越定期則便成僭禮別為定式使之  
行葬直矣 上曰所達誠然以此意分付可也又 啓曰  
國恤時朝士在喪之人朝家無定奪之事故成服衣冠之  
制不能齊一儀註中堂上則無論罷散與否皆以袍帽成  
服堂下罷散則以笠子成服云喪人朝士當依罷散例為  
之而在喪人則無區別定制故今革國恤位高者或以袍  
帽成服或以平涼子成服云此則已過之事今無可論而  
前頭士夫家大小祥節次須有朝家定制矣禮記曾子問  
君服中私喪變制孔子以除服不當過時答之禮意甚明  
鄭註亦不誤而疏說以行祭於君服除後誤解本朝禮則  
無可援據而五禮儀中有卒哭前大中小祀停廢之文故  
援以為例近世士大夫多行祭於卒哭後而所謂大中小



祫乃國家祀典非指士大夫家祭祀也國恤中士大夫家時祭  
可廢忌墓祭備可罷行况練祥虞卒矣是喪中之祭本無  
吉去相襲之嫌且念今之在喪士夫無服君惡之事而仍  
服過限之私惡非但不合於禮經本意亦不合於疏說之  
義我東儒先所論亦多可据近世先正臣朴世采所論頗  
為明白自朝家定制使之依禮經行祭除服宜矣 上曰  
大臣所達是矣依此定或使之遵行可也

寶鑑以此為崔  
錫禹李世白所啓

副司直李鳳徵疏畧曰大臣以士大夫有私喪未除者當  
除於卒哭前引禮經證之此尤誣惑者也曾子問曰大夫  
士有私喪可以除之矣而有君服其除之也如何孔子曰  
有君喪服於身不敢私服又何除焉於是乎有過時而不  
除也君之惡服除而後廢祭禮也廢祭即二祥之祭也喪

喪在先私喪在後則不敵服私服之當服者其可除私喪  
已服之服於君喪未除之前乎又其下疏曰假如此月除  
君服卽此月行小祥之祭又次月行大祥之祭若親喪小  
祥後遭君喪則他時君服除後行大祥非諱辭也古今異  
宜雖不可待君服之除而未卒哭先除私服大段未安若  
今日改一節明日又改一節事如此則大防漸壞將至  
於人不知國有大喪非細慮也大臣以除服不當過時等  
語為孔子荅曾子之問此則見於何經耶當此邦國有喪  
上下哀達百司廢務則為人臣子其何敢備行私禮如平  
常之日乎大小二祥卽是變通卽吉受服替序之大節也  
其文可畧而行之乎以筭的設行則是不成之祭也其可  
撤几筵變服色晏然如常日乎在喪朝士受奠一款又有



未安者以曾子問不敢私服之義觀之朝士之在喪者不  
為舉論於儀注與在職臣僚無異同故也各以品秩依儀  
注受哀則喪禮乃嚴私分亦安伏願 聖明將此數節更  
令大臣儒臣情議云云荅曰疏辭令該曹議于大臣 票  
處 判中樞徐文重議國家撰成五禮儀以為一代之制  
公朝之禮士喪之節無不備具而至於士大夫和喪除服  
之文獨無所載其出於禮記者古今異宜亦難一坊行之  
而儒家諸說亦無明白之論此豈如臣魯莽所可容易仰  
對左相李世白議朝士之持私服者似當與他前卿一體  
成服故當初喪之日言及於該曹今何有他見至於士夫  
家大小祥節次筵席聞首相據禮陳 達之辭而臣素昧  
禮文終不敢明白開陳退聞外議皆以為禮意未必如此

先儒亦無定論有難容易變改右相中疏議領相劉外議  
多以爲經文未必如此先儒亦無定論不可容易變改云  
此豈如匡矇寧所可妄論以益其僭妄之罪哉判中樞尹  
社善病未獻議

崔錫鼎另具一劄以進劄畧曰禮曾子問曰大夫士有私  
室可以除之矣有君服焉其除之也如之何孔子曰有君  
喪服於身不敢私服又何除焉於是乎有過時而不除也  
君之喪服除而後廢祭禮也曾子曰父母之喪不除可乎  
孔子曰先王制禮過時不舉禮也非不能勿除也患其過  
於制也故君子過時不除禮也極古者卿大夫私喪將除  
而遭君服則服君服而朝夕在君所無無服私喪之事故  
常其除服之日更無事禮變除有差過時而不行變除之



節者殷祭時祭也待君服除後行時祭以伸孝心此孔子  
初答之意也曾子疑此言有若終無除脫之事復問親喪  
何可無變除乎孔子復以不當過時之意曉之蓋當君喪  
之初雖不得備禮除哀而自除於當除之日此先王制禮  
而有過時不舉之謂也其所以不復變除於君服之除後  
者非有所亭制畏難而不能除也其勿復變除者患其過  
於先王之制也此則孔子再答之意也孔疏乃以殷祭作  
二祥看遂有是月除服次月行祥祭等語今依疏說解殷  
祭為二祥則是過時而祭也是過於先王之制也此非誤  
解乎古經難云艱晦此等文義灼然可見今鳳徵執誤解  
之疏說據以為言則其誣惑於臣言固無怪也截去下款  
只取上一款以為論辨之資以過時不舉證其見於何經

何其素所熟講而數行文字猶未能審者也。鳳徵既以疏  
說為主則當以除惡於君服除後為說如此然後方能直  
截而無屈曲矣。今乃曰古今異宜不可待君服之除臣未  
知此禮見於何經耶。此則鳳徵亦知其義理事勢必不可  
行故以意遷就而為辭耳。其可乎。古之君子并為君親喪  
者服君服而不敢無服私喪不悖於君親輕重之義。今之  
君子不服應服之君喪反著當除之私服是近於先賢所  
謂有父子而無君臣臣之所嘗慨然者寔在於此。今鳳徵  
反以國恤中除服為壞君臣上下之分。噫人之所見若是  
其遼遠也。雖然今人居喪國恤著私服既無服君服朝夕  
君所之事則於其私喪亦不可全無變除之節。臣於公私  
喪祭之禮粗有諳計而經傳先儒之說近世前輩之論頗



得考撫而裒錄今取其近於今日所論者畧而陳之  
領中樞南九萬頌敦寧尹趾完俱以所遣不對判中樞柳  
尚運議今之士大夫持私制者曾無君喪服於身不敢私  
服之事而只就又何除之文不許除夏徒為私服踰制之  
歸右贊成尹拯不敢收議云亡贊成權尚夏議先師文正  
公宋時烈於前後國恤之時答士大夫家奠祭疑節之文  
不止一二其答李世龜之問曰以人情言之初暮再暮之  
日畧設庶羞以伸情禮而於國奠後擇日行二祥用意宛  
轉公私無憾何必於疑文難斷之中遽自處於其薄乎蓋  
古者喪敗無穀雖如數月何害於義其答崔奎瑞之問曰  
國喪未葬前何可行祥祭乎若曰畧設則不成祥祭云云  
其所參量古今折衷於天理人情者有非俗儒一時之見

所及至如曾子問所論則其句語之間儘有難晦處今此  
大臣所解以臣愚見未敢信其必然與其強鑿疑文曲成  
義理無寧近從先正定論之為無弊也

依贊善議施行

已上并朝  
野記聞

庚子六月初八日 肅宗昇遐未時襲初九日小歛進

行領柩金昌集為院相

中殿諺書下教略曰今日喪葬諸具必體 聖上之德意

仍察民生之弊瘼宜矣近來該曹儲蓄蕩竭自 上軫念

凡殯殿山陵器四等物所入銀子以此打造踏啓封置殯

前所用金不盈三口瓶一唾三四年前已為造置自 上以

諸道年亡凶荒三千七百五十三兩銀子踏啓封置以備

前頭賑賙者今下地部以補國葬之費閏月衣衾曾已備



置該曹不必如例準備只待內示入之務遵平日省約之意

大行王遺命時御所諸殿皆使宰予身後移殯于洞口內宣政殿宜矣及至下梓宮大臣稟啓荅曰此時還奉未安時御所資政殿雖狹亦可奉安遂設殯于資政殿

景宗初以卒哭前私家行祭當否議大臣領相金昌集議李滉李珣皆言忌墓祭有官者當廢無官者畧設金長生廢墓祀而忌祭行第獻得雨變之宜朝家不必立一定之制許令臣下各自隱度或行或廢行之者近於仁廢之者近乎義其間得失無甚相遠命依議

補古者親慈孝子自舍士之禮也自大夫以上賓為之故朱子於朋友祭文或用飧不飯舍之語此禮之廢久矣惟

國家禮典則有司供米珠議故跪進於戶外內侍侍捧實之於  
歷朝行之及先王之喪嗣王親含按周禮大

宰大喪贊含玉註助王為之疏助嗣王也然則或自國君自含與士禮同而唯大夫近君故有未鼓耶雖然歷朝已行之禮既如此無所考據倉卒變更此大臣之過也  
傳說

○景宗薨世弟令以被髮當否問議儒臣禮寺以儒臣議

達五禮儀斬衰條有世子大君以下被髮之文即下於

大行王既有結體之義則變服之節一依五禮儀恩令

禮意從之  
補說 孝經 疏 而考之三 年 者 君 臣 之 義 也 臣 為 君 義 服 斬 非 為 父 正 服 斬 屏 臣 何 嘗 考 君 被 髮

此 今 已 行 之 禮 時 若 日 星 而 無 人 舉 而 正 之 厥 後 先 臣 之 旨 每 一 從 母 子 之 禮 遂 定 為 礼 典 則 尤 可 要 也 傳 說

○英宗七年宣懿王后國恤惠廳提調金在魯啓罷三

年内祭物中人叁正果



○丁丑 仁元王后薨 上奉遺教下都監曰祭奠皆定  
器數古之所有今多減焉內帑銀子御庫綴正命下都監  
陵殿等所用銀器以庚子進用者命用襲歛諸具殯殿物  
件雖帷帳之屬大舉之節皆自內備置

命因山前卿大夫士庶奠與虞許行練祥及忌墓祭卒哭  
後許行忌人勿禁方豈

○五禮儀附廟後有飮福宴

又有義禁府軍  
崇寺進廟禮

列朝每因

下教權傳 英宗二十年特命永罷

...

...

...

...

...

...

...

...

...

...

...

...

...



服制

世宗不從易月之制

見上  
國地

世宗四年

壬戌

太上王薨議百官喪制衆曰既葬釋衰

淡服陪祭原廟許稠駁曰君臣一體今聖孝薦至哀經

三年獨羣臣既葬即吉可乎請治事服淡陪祭著衰經終

制及皇朝賜祭使臣見百官衰而陪祭歎其合禮

二十三年

辛酉

顯德嬪卒從黃喜等議卒笑後喪主除

衰服白衣靴烏帽角帶常侍魂殿上食及朔望俗節別

製衰服行祭墓年而止

咸寧元年鄭昌孫中叔舟韓明澮等議大妃已除

睿宗服世祖喪畢後侍從者禮宜從吉一宮之內吉云

混處其於情禮似未穩當世祖禪睿宗小祥綏隔旬

月請權着禪服至 肅宗練日服練行祭而除喪仍服禪

服中月而禪從之

詳見下已亥  
史官書啓

貞熹王后盛金訢論羣臣服制疏曰 貞熹當國家危

起之際首定大策權同聽斷俾佐又安印在社稷而 殿

下悲傷念慕以羣臣服替之興為歟欲從三年之制以臣

而從王制非先王制禮之意也或曰母后聽政事既出於

非常則喪制亦不可局於常制女主聽政喪服之制可同

於大王則末流之變可勝道哉

燕山甲子 昭惠王后盛行短制

詳燕  
山紀

中廟昇遐國制傷生無服只白衣冠三年徐敬德曰君

父之喪安可無服乃服齊衰三月 仁宗喪亦如之

各臣



中廟喪江原都事金就文上疏請行三年喪 仁宗反

覆獎歎將欲召用不幸賓天

名臣錄林英傳附錄金就文  
字文之号久登官至大司諫

文定王后卒哭日自 上及百官皆著玄笠我朝喪禮

雖不盡合三代之制比中國頗詳密漢唐以來所未有

祖宗朝法制卒哭前皆著衰服卒哭後視事時權著白衣

烏紗帽黑角帶燕居時著白衣帶笠凡于喪事著衰服

成廟朝議者以為既著烏帽笠亦當黑遂於卒哭後著黑

笠 中廟賓天拖護使柳權建議曰衰服尚未脫而遽著

黑笠既卒禮意且非 祖宗之制遂定白笠之制 明宗

初柳權等被禍議者又以白笠非古制乃柳權所言遂是

黑笠之制 文定初喪禮官依五禮儀定白笠之制尹元

衡見儀註曰白笠乃柳權所建之議今不可遵用遂改之

朝臣知其非莫敢發言

石潭遺事

明廟之喪疑

蔡懿

殿

之服李滉以為諸侯典禮固無

可擬只見儀禮經傳君為臣服圖及天子諸侯絕傍朞服圖而推之諸侯雖絕兄弟朞而不服若弟是繼體則必服朞者據嫡孫嫡曾孫玄孫皆服朞而知之也既不以弟為子而兄弟之名猶在嫂叔之名亦不可沒古禮嫂叔無服故用古而謂疑無服若謂雖嫂叔之間繼體義重不可不服則恐當用家禮小功之服云云當時用滉之說

蔡懿

殿為

明廟定為無服時奇大升以遠接使從事官出在

閔西歷舉兄弟相繼相為服及後

人議以書質之於滉

曰宋太宗上繼太祖雖行易月之制實服斬衰三年徽宗為哲宗服重哀高宗為欽宗持斬衰三年之服此則兄弟



相結而服則為結體之服也東晉康帝為成帝杜皇后過  
暮素服宋高宗為隆祐孟太后承重服此則為兄及叔父  
之后亦持重服按儀禮喪服篇父為長子斬衰三年母為  
長子齊衰三年東晉孝武帝太后李氏為孝武制三年之  
服宋武帝蕭太后亦制三年之服然則太后為嗣君三年  
雖後世亦然也兄弟相結既以結體之重而持父子之服  
則兄后之為之服亦如母之視子當持重服矣按禮記  
喪服小記與諸侯為兄弟者服斬疏曰與諸族有五屬之  
親無不服斬者豈有相與為結體而反有無服之理乎按  
儀禮喪服篇大夫婦人為宗子之母妻斬衰三月云則其  
間必有為嫂叔者而禮文如此蓋為宗子服者尊祖敬宗  
之義故推而及其母妻義之所在禮有時而變故嫂叔雖

無服而為宗子母妻服焉兄弟相繼之際恐不可以嫂叔  
論之也 明廟既為 仁宗持繼體之服則 懿殿為

明宗當如母之為長子服齊衰三年明矣何必謂之無服  
哉或有難之者曰 明宗為仁宗服則乃以臣為君之服  
也非繼體之服也 懿殿為 明宗烏可謂母子之服乎

應之曰不然繼體之服乃父子之服是為正服君臣之服  
則乃是義服次於正服也是以前代相傳重之際皆以正  
服為之服固不可以義服干其間也若果如吾子之說則  
朱子當寧宗初元議嫡孫承重之服何不以臣為君服斬  
斬之而少舉鄭康成之言以為證驗耶云云李滉荅人書  
曰嫂叔無服當時只舉儀禮經傳君為臣服等數圖而類  
推之疑當如此近得通考通典等書間中披閱始見歷代



可云繼續之服如彼乃知前日輕信一書不徧考閱而妄  
出大闕之語不勝愧悚此事明彥

大升字

書中極其辯論心

服不已云其後恭懿之喜宣祖亦為結紼之服齊裏

三年

柳川劉記

恭懿殿未寧明廟令政院考服制以間時李滉在京

以為禮嫂叔無服自上合無服衆莫敢違奇大升以

遠接使從事入來曰仁廟君臨一國今上自有結

紼之服豈援嫂叔之禮乎滉曰明彥之言是也倉卒失

對吾不免罪人云及丁丑之喪館有一二異議定為結

紼之服上下無間

梧陰雜記

明宗卒笑上下著白笠始復五禮儀之制

石潭日記

宣祖乙亥五月上下教曰仁順王后曾臨朝聽政

群臣似可行三年喪令大臣禮官議啓大司諫金絀輝謂  
大司憲柳希春曰此事若議定則爭之甚難不如固爭於  
初乃寧兩司伏閣 上曰當勿更議此事何至於伏閣

名臣  
錄

李珥聞之曰合司伏閣事體至重此事何至合司爭之

乎 文定之喪亦有此議其時尹元衡當國而尚無有

以行三年獻議者况今日乎大臣賢也則必謹於禮不

賢也則自憚行三年矣

石潭  
日記

仁順之喪持平閔純上疏請於平笑後依宋孝宗例以白

衣冠視事終三年之制 上命大臣禮官議領相權輒領

府事洪暹以為平笑後視事玄冠素衣烏帶載於五禮儀

不可輕變左相朴淳右相盧守慎以為白衣冠視事正合

禮意而事涉更變自下擅斷為難請斷自宸衷 傳曰欲



從左右相之議禮官與二相更議以 啓於是副學李珣  
啓曰必欲盡合先王之禮則當初上下當具衰經如儀禮  
之制別造布帽布團領布帶以為視事之服今既踈過不  
能追復寧依宋孝宗之禮上下以白衣冠帶視事為近於  
古禮也若玄冠烏帶之制揆之情禮至為未安宋高宗朝  
羅點建白此制此時衰紀廢壞易月之後純用吉服故羅  
點此論猶愈於已也朱子君臣服議辨論甚詳矣豈可不從  
朱子之論而泥於羅點之議乎五禮儀拱定時參贊計  
綱引羅點之言遂為定論當時無識禮之儒臣不能導  
先王於正禮至今志士慨然不已豈可再誤於今日乎  
時廷議皆以為五禮儀不當輕變大諫金絀輝副學李珣  
力言因此機會當從近古之禮大憲柳希春以為當守祖

宗之典人君居喪與士大夫不同結輝曰父母之喪無貴  
賤一也人君居喪何異於士大夫且所謂不同者出何傳  
記希春曰權德輿之言也結輝曰公讀書萬卷無所見而  
欲從權德輿之言乎上心堅欲從禮而且有左右相將  
順故俗論不能奪禮判洪遲甚有愠色多發違理之言洪  
遲聞變五禮儀歎息泣下曰不啻今日見更變祖宗之  
典也時贊成閻貞或問今日誰可作二相遲曰李珣閔純  
必拜二相以純上疏而珣力贊其議故懷忿疾而言也

五禮儀所定喪禮比於漢唐則可謂遠過此亦東方盛  
典也但參以古禮則豈無未盡者乎牟笑後視事珣用  
玄冠烏帶而珣服則白笠白常載在五禮儀而仁廟  
之喪李芑輩變白笠為黑笠未聞當時有以變祖宗



法發歎者其時洪暹亦曾下淚耶

石潭日記

上遂斷然行之親行卒哭祭後白冠白袍白帶白靴還宮  
羣臣之服皆同其後遵以為式

九年丙子

仁順王后練祭

上改練服仍服白帽白帶

以視事流俗舊臣咸以改五禮儀懷不平上亦頻悔輕

變命大臣獻議領府事權輿領議故洪暹以為當於練後

從舊制以玄冠視事左相朴淳右相盧守慎以為當依卒

哭之例而守慎之論尤詳曰白帽視事之制斷自聖祖

既洗于古之陋今不可中變且羣臣既以白帽終期年之

服而自上遽以玄帽終三年之喪則是詳於暮年而略

於三年也輕重顛倒矣上命二品以上廷議於是羣臣

爭言五禮儀不可不從願因白帽者一二人上從其議

三司交章爭之累日不止淳守慎力言卒笑後無改五禮儀則猶之可也今既變白練日變黑則既非古禮又非

祖宗之制進退無據矣上乃曰予寧失厚命仍白帽

在

記

宣祖丁丑恭懿王太妃喪禮官稟服制于大臣領相

權輿不議于他相自以其意援引宋高宗服元祐孟后之例定為齊衰杖舻於是兩司玉堂及廷臣皆爭之以為

明廟承仁廟之統主上承明廟之統承統為重當

服三年之喪輟猶執迷不迴上從公論定為三年之喪

西司攻權輿不議同僚獨以其意定為替年之服四謫詭

秘云云

在  
記

五禮儀大王喪卒笑後百官玉色圍領烏絛帽黑角帶



而宣祖之喪因廷議卒哭後百官因裏服小喪後練服終三年或以裏服在身而食肉用刑為未穩云

○仁祖乙亥

十三年

仁烈王后薨大臣獻議以為家禮杖

舂條夫為妻杖父母在則不杖先王朝舊例雖不載錄自上斷然行之甚盛事也從之

禮書啓皇明會典孝烈皇后之喪成服日為始素冠素服十三日宣祖朝懿仁后之喪亦依此除服命議大臣從禮官議

承旨李敬輿上疏請改定喪禮曰先儒曰家無二尊又曰尊者主喪又曰凡喪父在父為主主喪之禮其嚴如此今日世子之主喪實涉嫌逼且世子進見服以草笠黑

帶為定此固壓屈之意然宮庭之間奪定變服使不得自  
盡於既降之暮服非但世子無以得中於臣制抑  
下亦必怵惕於越庭之際在聖躬或諉以下喪入侍群  
臣又使之服吉壓尊之禮雖係朝儀方喪之義豈容如是  
世子主喪及進見服色及  
殿下之大行未葬前視事  
反發引時服色及羣臣卒哭前服色請并更議使送終大  
禮終始無憾

昭顯世子喪服制

詳世  
子典故

仁祖喪全集請進改羣臣服於發引之日竟不施行

全集良禮議曰五禮儀服制雖無倫緒蓋君父一體豈有  
於父則純用喪服於君則參用朝服之制為半上落下之

儀乎且前卿雖即今無官既已名在仕籍實與在官者無



異乃與士人同為白衣之制尤極未安嘗考宋寧宗初天子用漆紬淺黃服羣臣則已易月而無服朱子上劄以為既往之失不及進改唯有將來終殯發引當復用初喪之服昔年持平閔純獻議頻開五禮儀稍去其太甚臣願一從朱子損益之制令百官預備衰服於發引時服以入臨以今所服團領緝其末而布帽布裹角帶白靴為視事服亦令前御更為成服似合事宜

○孝宗喪請依朱子君臣服議行古禮

詳李  
宗紀

慈懿大妃服制議

詳  
宗紀

○已亥議禮時考實錄史官書啓

德宗喪禮曹啓曰禮

為長子替南史齊武帝為文惠太子服替朝臣齊哀三月

文公家禮以朞為三十日以緦麻三月為七日我朝國制日數準此請依此制 大毬中殿白衣鹿布帶三十日朝

臣白衣烏紗帽黑角帶七日而除從之宮僚服裏既葬而除 ○ 己丑十二月戊申 睿宗薨院相中叔母等請進肉

膳於 大王大妃曰自漢以來喪制以日易月過二十七

日子之於文猶如此况 大妃於 大行大王有尊卑之

分乎 ○ 庚寅正月院相韓明澮中叔母具致寬等啓于

大王大妃曰心雖無窮禮制有限雖三年重喪服盡即除

亦不敢過今已服盡敢請進肉膳 傳曰予雖過制豈為

後例卿等勿慮 ○ 庚寅八月 傳曰 睿宗小祥後 王

大妃因着白衣其侍從內官及飯監司鑄并從吉何如院

相等宗祥後則 大王大妃殿壓尊 大妃不可仍着



白衣宜從吉

傳曰

懿敬王

德

之

仁粹王

妃

德

王

以喜服侍

世祖側令

王大妃

在別宮雖素何妨

先

是命議政府六曹參判以上議

世祖大祥後

睿宗喪

制河東府院君鄭隣趾青松府院君沈澮左贊成盧思慎

刑曹判書成禹治兵曹判書李克培戶曹判書徐居正吏

曹判書權臧工曹判書梁誠之禮曹判書金諶光吏曹參

判鄭崇祖禮曹參判李承廷戶曹參判文琳工曹參判韓

義議喪制國之大事正喪短喪外無他權制世祖喜罕

後大王大妃侍從之人服色宮內從吉朝廷因素服以

終睿宗之喪何如蓬原府院君鄭昌孫高靈府院君申叔

舟上黨府院君韓明澮綾城府院君具致寬仁山府院君

洪允成南陽府院君洪達孫上洛府院君金碩領議故尹

子雲右議故韓伯倫判曹參判李克墩議 大王大妃已  
除 睿宗之祔 世祖忌早後凡侍從者禮宜從吉一宮  
之內吉凶混處其於情禮似未穩當 世祖禪後權制從  
吉可也古制三年而除或以日易月二十七日而除 睿  
宗之忌已行十月易月之制已過三年之制則未及并無  
所據而權宜從吉出於不得已耳權亦不可拘於古例  
世祖禪及 睿宗小祥緣隔旬月權著禪祔至 睿宗練  
日祔練行祭而除忌仍祔禪祔中月而禪祔廟何如兵曹  
參判李永根議以為三年通喪臣子當據大經不可輕易  
從權以議之但 睿宗之喪在 世祖大祥後 大王大  
妃釋喪祔禪其侍從亦釋喪祔 殿下於壓尊之地不可  
凶祔處之且可以 世祖祔廟後祔色異處之亦難 大



王大妃既卽吉則當進豈呈不可以 睿宗喪廢之此是  
殿下不可以凶服見又不可從權吉服而還釋矣此皆  
事之難處臣意以為 世祖大祥之日從權并除 睿宗  
之喪何如又若睿宗喪既除於 世祖大祥之日則 景  
安殿祭依永昌殿行之祔廟則 世祖祔廟時同祔命  
更議于尊屬宗親孝寧大君補密城大君堤銀川君禎鎮  
南君 生樂安君寧玉山君濟議與鄭昌孫議同從昌孫  
議仍傳曰今雖從吉外人豈知予不得已之意哉其論諸  
中外俾知其由遂傳于禮曹曰三年通喪本乎天性固當  
自盡然今予方聽斷庶務屬閣 世祖大王之服凡侍從  
予者亦宜從吉第因 睿宗之喪未除一國之內臣吉相  
混其於情禮實為未穩古者諫陰三年不言取後從權可

故且以日易月二十七日而除是豈樂為出於不得已以  
今揆古諒陰之制不可行於今日問于宗戚大臣皆以為  
從權變通合有降殺其自 睿宗小祥過後釋衰從吉三  
年終制陞祔 太廟如禮禮曹啓曰易月之制自漢文以  
來行之已久歷代因襲而不敢改者蓋禮因時變亦出於  
不得已耳且為人後而為之服者乃以義起與父子天性  
之恩不能無間故昔宋哲宗崩徽宗以弟嗣位太常侍言  
今皇帝實承神考之世為哲宗報哀重今神主已祔百官  
之服并用純吉皇帝當御常服宰臣請從禮官議乃詔俟  
周暮服吉今我 主上殿下入結大統雖嗣 睿宗之後  
亦承 世祖禮不得不有降殺今 世祖喪畢後 睿宗  
祥暮之日釋服從吉賢與宋制同而允合於情禮又宋神



宗之喪范祖禹言既除服至喪而又服之蓋不可無服也  
以日易月之制因襲已久既不可追宜令羣臣朝服正如  
今日而未除衰至暮而服之再暮而又服之乃釋其衰可  
也我朝恭靖大王之喪以日易月而練祥悉遵三年之制  
文宗之喪服未闋而事有不得已者從權即吉而祥禫  
亦待再暑適月實我太宗之所已行世祖之所相權  
親定之者今睿宗之喪小祥從吉三年而祔廟亦合  
祖宗舊制當依首施行從之一大王大妃殿世  
祖大祥後服禫服禫祭後即吉侍從者并服吉大殿服  
禫服睿宗小祥後即吉留衰服侍大祥而除宗親文武  
百官世祖大祥後服禫服睿宗小祥前景安殿行祭  
時服衰服睿宗小祥後獻官諸執事以禫服行祭非親

行則除百官臨祭昌陵守陵官以下服衰終祭小祥後獻  
官諸執事以禪服行祭 景安殿奉奉及內侍等小祥後  
并禪服 乙巳七月 仁宗昇遐丙午三月司憲府啓曰  
大王大妃上尊號乃大禮也 仁宗於 大王大妃下  
喪也 貞熹王后上尊號卒笑後為之此豈忘宸妃禮  
必有其意也今上尊號待 中宗薨畢則善矣更待 仁  
宗祔廟然後為之下喪反重大禮反輕 中宗薨畢後即  
上尊號答曰上尊號大臣以喪中吉服為未安故令待  
仁宗祔廟矣若以大禮為重則依禮可也 丙午十二月  
尹仁鏡等啓曰 章敬王后上謚 大王大妃上尊號禮  
之重者其何以權得臣等謹按 睿宗朝日記己丑二月  
以吉服上尊號于 貞熹王后當是時 世祖小祥猶未



過也而用吉服今則 中宗憲已革 仁宗小祥且近而

○仁宗乃下表也上尊號等禮皆是為上也決不可權停

亦不可用玄袍御衣龍袍為常答曰皆依禮施行○明宗

癸亥九月 順懷世子卒大臣等請從權移御 答曰

世祖朝以白衣布帶終三十日之制禮官徒循前例而

書禮臣等方議其未安之意今承脩教甚當於情禮只合

七日而除請使禮官改修儀註答曰如禮 已上并史官書禮

顯宗甲寅二月 仁宣大妃喪服制 詳顯宗紀

顯宗甲寅 仁宣王庶妻制未終 顯宗昇遐甫宗即

位因山過後禮曹終以自 上於臘享時當受 仁宣王

后承重服副司直吳挺昌疏曰未葬者因其葬而制服在

小祥前乃於小祥受服在小祥後則中心哀併通三年而

除者乃宋皇祐元年著令而宋儒黃幹著之儀禮經傳續編以補古禮之闕今國家先正臣李滉之說將於臚享受服竊想李滉時中國書籍未有如今日之盛行我國故容有未見續編而然也今則經傳古禮既行於世宜一從先儒已定之說領相許積曰代服必待小祥者古者司馬祥之說也不必小祥而受服於朔望者李滉之言也趙昌之言實挾古禮而臣與金壽恒累日講究則帝王家與士庶不同既踐其位行其禮獨於受服必待小祥則其間祭祀節目多有不便至於稱孝稱哀亦甚拘碍且以未受服每母摠祭亦所未安故不得已從李滉之言矣 上從之令

於元日受服

實經

弘文館啓嫡孫承重受服之期古禮無見處惟儀禮往傳



通解宋朝服制令有之金長止曰嫡子未終喪而亡嫡孫  
承重亡在小祥前者小祥受服在小祥後者中心惡併通  
三年而除李滉曰始死後諸禮又皆已行之但未畢惡而  
死故只當代父而行其未畢之禮而已成服之節但於朝  
朔望節以必喪之意告于敬思孝敬兩殿仍行受服之節  
上遂於正朝詣敬思殿服本服替年齋衰服笑拜訖易服  
傳重裏服行祭

中宮從服承重當否議大臣許積曰儀禮傳曰宗子母在  
則不得為宗子妻服此言傳重之義在於始其不敢以承  
重之服其夫之祖若曾高祖以此隆於其姑明矣從議  
施行

顯宗喪 慈懿大妃服制始定以朞年因尹鐫疏議大  
臣改斬裏復以朞為定

詳顯宗紀

肅宗庚申 仁敬王后國恤禮曹啓以家禮五服國曾

孫嫡婦小功而其姑在則否 大王大妃

莊烈王后

之於大

行大妃揆以情禮不可無服制而五禮既無可據之文又

無國朝已行之例請議大臣左相閔鼎重以為 大行王

妃之於 大王大妃當以已承重者為曾祖母齊衰則曾

祖母之於承重曾孫婦全然無服似非情禮之所安判府

事李尚真以為不當服校理林泳等以為曾孫婦即無本

服又不得為承重之服則其為無服似無疑 上教曰古

人云義之所在禮有時而變 大王大妃殿服制雖曰無



有而此喪既有重統之義又有報服之理 慈聖為此喪服嫡婦著 大王大妃為此喪服適曾孫婦總則各服其服似無相壓相妨之理以此分付舉行 實應

甲子 明聖王后國恤命儒生出入學校試場以白衣中定制

甲午 上臨筵講曾子問仍論君臣服制慨然欲復古禮命議大臣儒臣傳曰茲事自有朱子定論本無可疑斷然行之可也

戊戌 瑞懿嬪卒禮卒禮書佐郎成震齡疏論公除、服非古經之制 世子於嬪宮喪當有練祥除哀於十三日則至練而無服可練服盡於三十日則至祥而無吉可復公除之節為聽朝而設因此而永除其服甚無義命議大臣

上曰我朝通喪定行古禮一洗紕繆獨於墓功易月之制  
猶存誠為欠闕及至癸巳予有感於曾子之問哀經之服  
斷然定行大者既革於其小者亦不宜因循今者徵求郎  
官疏論喪禮實合予意今復定禮從此喪始

景宗卽位初禮曹達甲午特命復君臣服制一從朱子

服議更考諸類書讀及皇朝禮及先正李珣全集所論作  
為一通文字已成定制今當頒布中外矣百官及雜職前

銜一體以斬衰成服儒生以生布衣麻帶成服

實錄曰始行三年喪

英宗庚戌

宣懿王后喪

大庭依

明宗朝所行及

甲辰大喪時例行齊衰三年之制

大王大妃依甲寅

仁宣喪例行替制

命翼善冠紗帽用布角



今 上巳酉遷 顯隆園時八月十二日啓 舊園陪

祭百官及隨 駕諸臣自 園所受服留都百官則 啓

舊園所時至受服後望笑白布團領烏紗帽黑帶白皮靴

祭服練布熟麻腰首經

祭服自  
上領給

留都百官明政殿二庭受

服望笑前啣朝官及士庶人弘化門外望笑闌內外八直

軍兵各其直所望笑





山陵 葬制附

太祖以萬歲後歲弓劒之地問於無學無學乃卜一地曰  
世世皆葬于此可也即 健元陵是也又一說定虜衛崔  
山者世居是地甚富貴獻其宅于 太祖曰某稍識卜地  
之法此當為帝王因山 太祖受之遂改搆甲第給之令  
其近處有崔將軍墓石云 五山說林

○太祖丙子 顯妃康氏薨趙後金士衡等上言請以功  
臣一人守陵三年永為恒式 上從之令安平君李舒守

陵 朝野記聞

貞陵初卜安巖洞以有水不用翌年正月葬于皇華坊 王宮

里數

太祖九年移 貞陵于沙乙間里 詳 太祖紀貞陵廢 遺

○太宗十年遷

德陵安陵

詩  
紀  
太  
祖

○國初山陵用石槨

元敬王后喪

太宗以勞民力令

勿用金石而以方石合成

世宗伐取金石

太宗自往

侵所部之

東  
閣  
雜  
記

時石室蓋石廣厚難輸

上王諭上宜破為二令得易輸

上以為不如金石之固命元肅詣于

上王肅未至

上

王已幸石所命工椎破為二謂肅曰廣大難輸已令破之

後上詣樂天亭

上王謂

上曰陵寢蓋石若用金石

則轉輸甚難無益於死者有害於生民今日之事永為成

法宜詳錄簿以示後世子孫

寶  
鑑

太宗遣尹淮諭

上曰陵寢之傍勑立僧寺始自高麗

我朝亦有開慶衍慶今大妃陵而寢勑立僧舍與否其令政



府禮曹議之 世宗謂淮曰佛氏之偽予非不知但安陵  
之後靈谷閑寂此予所不忍也卿其復啓許稠請勿為侈  
大而營小寺朴訢李原請依間慶衍慶之例柳廷顯獨曰  
營建佛寺以資冥福本起於臣子諂諛之心方今 兩上  
勳法古聖千載難逢願勿置寺以為萬世之法淮具啓  
上王曰山陵予百歲後所往之地使緇徒迺吾之傷於吾  
心安乎予於 健元齊陵建寺者以遂 太祖之志也今  
山陵予當立法以示後嗣廷顯之言甚當其勿置寺 寶鑑

○世宗丙寅 昭憲王后之喪赴山陵大雨江漲舟楫不  
通不得已安梓宮於樂天亭領相河演等議安厝向方鄭  
麟趾曰在殯南首人不能死其親之意在玄宮北首之意  
幽之故也是亦殯也宜當南首雨猶不止議改卜日麟趾

獨排羣議曰雨不克葬春秋譏其無備促令船渡儀仗俄而雨霽遂及吉日

名臣錄

國初揚州牧使解朝時自內還給甫拜單子蓋以陵寢所在待之以城主云

右庵集與開大受書

陵寢每歲春秋本道監司奉審

經國大典

英陵初在廣州

獻陵局內

世祖朝議者云非吉地

當遷

世祖召律居正問之居正對曰以山水方位為子

孫禍福臣未知也且世之遷葬求獲福也王者更有何望

哉上曰吾復無意於遷陵也  
肅宗元年始遷英陵

于驪州

太祖健元陵碑文忠公權迎所製  
太宗獻陵碑文肅

公卞季良所製  
世宗英陵碑文成公鄭麟趾所製及



文宗顯陵依三陵例將豎碑功已就諸議以為自古人君行事之跡脩載國史不必如士大夫立神道碑請罷從之

後日 英陵之遷驪州亦埋碑不用國朝陵寢不立碑自

顯陵始筆苑雜記

○中宗八年 昭陵遷祔 顯陵詳紀 端宗

○三十一年遷 禧陵于高陽

○仁宗即位初議 中宗陵號或引唐家昭陵例欲不改

其舊丁煥曰文德后雖先葬昭陵其實乃太宗壽陵故不

改也尊可統卑而卑不可援尊也議遂定

仁宗惡丁煥等疏論渴瘁之失詳紀 仁宗

明宗壬戌十七年遷 靖陵于廣州地勢卑下補土之功

費累巨萬詳明宗紀

中廟初葬高陽與 禧陵同塋尹元衡力贊 文定遷  
于漢濱秋卑之地人皆憤惋莫敢言世傳遷 陵時哭  
聲自壙中出役者無不聞翌年順懷世子卒越二年

文定昇遐又二年 明廟昇遐人謂遷陵之咎至壬辰

靖陵被倭葺掘臣民之痛尚忍道哉

芝峯類說

○明宗乙丑

文定王后薨引日

七月十三日

大雨禮判尹春

年議請百官乘馬隨 梓宮大臣或主其議 上曰都門

內乘馬隨 大輦非古喪禮議乃止十五日下 玄宮

上以病不復隨輦我朝禮 上不會葬則立主之時必以

三公為獻官而左相沈通源右相李箕在山陵不復考禮

使吏曹差奉齎宋麟壽為獻官識者尤之

石潭日記

○明宗之喪當以十月葬而日官以為不吉大臣與日官



定議以九月卜葬乃筭四月也生負李愈上疏譏其渴葬  
王大妃下教曰凡吉凶在於天命日官之言何足取信定  
于十月可也大臣以為難 大妃乃命於十月十五日下午  
玄宮日雖不吉亦可用也領相李浚慶左相李瑩啓曰葬  
日不擇吉凶雖是盛意但安厝先靈而用吉日則恐在天  
之靈亦未安也 大妃乃從其請

諸侯五月而葬此王之定制古者未聞擇日也 慈殿  
明燭正理而大臣不能將順其美反以左說為重大臣  
之無見如此時事可知

石潭  
日記

大臣以 上幼冲請勿會葬立主奠時例以三公為獻官  
而大臣不考古禮不肯為獻官以秋高宗親代之

立主大事也自 上不會葬則三公為獻官重其事也

是何難行之禮而莫之行耶嗚呼山陵石物儀仗必後於

前禮文喪制必殺於古如水益下不知終何如也

石潭日記

時大行教引後因山日尚遠禮官議宜令從官還都及

期以出大諫朴應男啓曰大行王弓鈞適遺君臣舉踊

悲痛莫及况當今日欲使梓宮獨留於喬山風露之地

其為臣子者乃敢偃然還處於厦屋是豈可忍為而亦豈

有是理耶請勿令從官還都上曰所啓甚當禮官議非

是其允之

明廟賓天鄭宗棨自燕京歸啓曰皇朝山陵皆在一山

之麓此皇帝無窮之計也若歷世綿遠而園陵每卜他山

則民居盡為丘陵殊非可繼之道

銘臣

徐敬德疏曰古者有冢人之官掌公墓之地定非於一處



辨其兆域而為之圖先王之葬居中昭穆為左右又令同  
姓諸侯大夫士葬于前後今一從風水之說世各占之每  
開山陵雖宗戚之墓皆令溝而去之山外民田亦皆荒之  
一陵之八占地甚廣民無芻牧之所隆運至於千世之遠  
則園陵相望於郊畿之外田野盡荒不容餘地百里之內  
受絕人跡輿至於此臣不知其何以處之也儲漢  
通鑑

宣祖朝李浚慶諫

大妃拜陵

見宣祖紀  
大妃垂簾

宣祖辛未

年四

八月

康陵丁字閣火

上與世子變服

避正殿減膳撤樂傳朝市去刑職禁屠殺宗親文武三品  
以上即日問安百官變服三日而止

八年乙亥

仁順王后之喪

宣廟將隨舉三公率百

官啓以自

上毀瘠已甚不可隨舉屢日未允

恭懿殿

懇請從之

教曰下玄宮臨時欲率百官望笑前此不為之禮不可不慎於是令王臺議啓副提學李珥等啓曰禮有常有變躬詣山陵禮之常也有疾損行禮之變也五禮儀注只道其常故無損行之儀祇送祇迎皆處變之禮至於下玄宮時全然無事似為欠闕今者自上孝思無窮當此大事無所不用其極此實處變而得禮之正傳之後世永為成法決無可疑

是日上於闕庭率百官望笑反虞上祇迎于光政門外虞主八敬慕殿後上還齋殿

列聖山陵下玄宮日留都百官無望笑之禮上以是日安然過了為不可特設率百官望笑之禮實義起而



前聖所未發者漢 續

十年丁丑 仁聖王后仁宗 王后茲引之時於路祭所大風

吹倒帳幕覆于大輦 上傍無侍衛朝士只有皂傘喧噪

而已

十一年戊寅政修 孝陵詳 仁宗

十四年辛巳七月咸興 智陵災被火 燒大臣以為上下

常變素服三日百官變服于本司李珣曰 智陵是

王之祖於百官無服變素服似過矣石 碑 記

初陵寢有四孟月及臘享及朔望祭俗節祭文昭殿行

忌辰祭士辰亂文昭殿災自是移行忌辰祭于陵寢

壬辰二 陵之變詳 宣祖



三十三年庚子 懿仁王后薨因山未定邪說紛起累  
度改卜及定用交河猪現時當隆冬始役之時陰雲蔽天  
暴而雷電改卜楊州獨墟天又大雷電寒氣折骨不獲已  
又改定於 健元陵西麓自翌日天氣暄暖冰漸土融役  
夫歆昨 白冰

時 園陵久未卜吉 朝廷甚憂之令諸術官各舉所知  
而密啓士大夫墓山勿論貴戚皆與焉鄭文忠夢園墓山  
亦在其中 上命禮官無遺往審而獨於夢園墓 下教  
曰設使鄭夢周之墓果合於用豈忍使忠賢朽骨發掘於  
二百年之後哉其特勿者 鄭氏

懿仁葬時領相李恒福從喪詣山陵宮人失火延燒靈幄  
殿燹出倉庠人皆惶惑失措恒福從容指揮救滅火已招



禮官使速行慰安祭遂奉梓宮襄事如儀皆且行且馳啓

竟以是日返虞

白改碑狀

時梓宮幸得奉移而萬衆諠譁大亂都監提調李廷龜

令諸執役人等各持其物以避火火既滅按簿點閱無所

遺失用初卜吉時下玄宮迂龜言今遭大變而冊寶器

物幸無損污請令三司六卿諸官一二審視然後掩壙皆

曰然由是喪事退而人無異議

月秋行狀

補國朝因山之役例徵軍丁八千於諸道自光海戊申始

調用坊民

祖宗朝守陵官或以武官差定中世以來非文官則不  
得為且在前守陵官必以從二品中無老親者為之宣

祖之喪具義則為守陵官臺諫請違以親功臣除授故朴  
東亮以正二品代之未暮歲遭母喪許令奔喜成服即還

齋所亦特恩也

芝峯類說

○初國制山陵行四享及臘享一如宗廟仁祖即位

初以并行陵廟事涉煩躋罷庚午

八年

命復行五享大祭憲

府諫院爭之不從副學趙翼劄曰墓上之祭雖四名日乃

是國俗亦非禮經所有也至於四時正祭既行於宗廟

而又置行於陵寢此何義也雖祖宗之事其非正者尚

可追改况已廢之祭豈當復還孔子曰曾謂泰山不如林

放祖宗之靈其必不享非禮之祭亦明矣

丙子始永罷見下

○仁祖庚午遷穆陵穆陵初在健元陵西岡原州牧

使沈命世上疏言

穆陵地不吉且有水氣

上命大匡



禮官議遷卜咸曰 健元陵茅二岡實 先王之所屬意  
而戊申特以年月不利不克用今不必舍此他取 上從  
之遂奉遷反破 舊陵小無水氣衆議齊憤

庚午十一月初四日破 舊陵三更三點 上御崇政殿  
月臺行望笑禮百官以練布圍領布紗帽熟麻帶行禮二  
十一日下 玄宮於新陵是日虞祭後上下除絕服

遷陵時自 上服制議大臣大臣回啓改葬之服先儒所  
論互相異同甚難折衷而大槩禮經註云必服絕者不忍  
無服葬其親也故改葬而絕既葬而除之子思著說甚明  
杜氏通典曰魯無再服哀甚不可無服若從月數則是再  
服也此說亦似的當况帝王家服制與士大夫不同大明  
集禮參酌時宜定為時王之制 宣靖陵古例亦皆至葬

而除不敢更有他議依議施行

靈寢陳設議初喪則不忍死其親以常時所用牀帷枕席之具設為靈寢皆象生時而至於遷葬則與初喪有異況國朝遷葬時實錄謄錄皆無可據前例當初諡曹不為磨鍊恐無不可

虞祭服色議考諸杜氏通典大明集禮家禮儀節等書改葬時虞祭服色皆定以緦服而宣靖陵改葬時則烏紗帽黑圍領烏角帶行之其時老成宿儒猶有存者講定之際必非偶然而第念服雖可除既葬虞祭乃行於同日則玄室纓閑便脫纓服適以吉服行事求之情禮似未孚當考之於古禮既如此祭之以時王之制又如此而宣靖陵已行之禮未知敢倣於何處耶依禮文似無不可而臣



素昧禮經不敢輕議伏惟 上裁并依議施行

時或者以為禮記註孔穎達則以為葬後除服鄭玄則以為三月後除服後來朱子之門有問此二說何者為是者朱子答曰禮宜從厚鄭說為是然則今此絕服三月後除之可也云校理崔有海乃於除服日上疏以為遷陵絕服請導三月之制 上答曰除服事自有 祖宗朝舊規今不可輕改

玄宮在殯適當冬至節日禮曹議以自 上行望闕禮只刪去作樂舞蹈兩款吏判鄭經世上劄以為 玄宮啓殯當行望哭禮一日之間兩禮并行甚為未安請權停貨礼上使議於大臣大臣亦以經世劄意甚當云故 上乃依議權停冬至賀禮只行望哭禮

已上并朝  
皆僉載

○仁祖朝

仁穆王后山陵定於

健元陵左第一岡崔

鳴吉上劄曰麗朝始祖顯陵在於別處不許後王逼葬蓋

始祖葬地福氣所鍾子孫因此而獲蔭一有損壞山氣滲

泄福力以減此所以有葬近祖墳之禁也國初卜山之後

術者以為

健元陵處處明堂云而二百年間

列聖八

葬者獨有

顯陵而在於圖局之外眼所不見之地則其

所致謹於始祖陵寢者豈無其有乎

宣祖捨一岡而用

三岡山家拘忌不可不審也

蓮川集

○十四年丙子大諫尹煌引墓藏廟享之義上疏請罷各

陵寢五享大祭自脩局回啓同年秋享為始永為停罷祀

廟

陵寢只祭寒食

○十三年乙亥三月十四日夜風雨大作

穆陵參奉洪



有一報禮曹以為陵上電光如晝霹靂之聲達夜不絕明日奉審則石物顛仆決臺石盡崩顛如摧破之狀云禮判洪瑞鳳奉審後來啓以為陵上為風雨所顛決非霹靂所震領相吳允譙奉審之啓與瑞鳳同故有一被掣刑訊劄職見教元宗祔廟只隔數日而奉審之啓不以災變為言故大禮仍行按前定日

送史記聞

仁祖茲引下玄宮時行望笑禮舊例茲引時則無望笑禮至是始行之

破殯時舊設五方神位具幣饌經師黃衣黑巾讀經於破殯之庭至是命罷之

孝宗將親祭新陵命議舊陵并祭當否領相享敬輿議曰今此三年內拜陵非有遷豆簋簋之享復省為重奠

薦為次五禮儀有王后同陵獻副盛之文此士大夫家考妣并享之禮若是則哀戚無嫌至情并伸命依議行之

○孝宗三年命以每年春之二三月秋之七八月輪四展謁陵寢永為定制

○八年禮曹啓 獻陵無祝文瘞坎每於祭後燒火異於他陵之例領敦寧金墳言他陵皆有瘞坎獨此 陵無坎似是襲謬失禮親幸之際宜創造瘞坎勿為燒祝從之

○孝廟寧陵改卜

詳紀

孝宗

○孝廟因山既成 仁宣王后欵謁 園陵而未知達議如何使公主問于鄭太和太妃據禮經婦人不上塚之語以達之且曰此命若下臣當力爭 后不復言

公和見聞

○齊厚陵近松都凡於祭禮留守無故則自當行之有故



則擇差鄰近秩高守令為獻官而今無古事留守既不自  
行又不能擇差守令守令不往則乃以松都白徒得金  
王之資者差送云不亦可駭之甚乎

白軒集  
庚子制

顯宗十年復

貞陵

詳  
宗紀  
太

十四年遣

寧陵于驪州

見  
宗紀  
孝

始不用屏風石沙臺石其後諸陵一遵是例

詳  
宗紀  
孝

誌石改以細石且燔造硤誌石一件并立標石

朝野  
記聞

左議政宋時烈上疏請立表石塋底等石

宋時烈疏一疑曰首程子嘗論山陵事而曰死者無終極國家有

興廢而人臣乃以廢興為忌諱苟循人情終負往者所謂往者指先君  
也臣自以嘉遊歷觀前代陵墓村氓里庶雖或指言其處而畧無可  
據之迹雖略有其跡而又不不知為何王所藏故雖功德有百世不可

忘者而殘毀踐蔑極其傷心臣不知墓表之制始於何時而孔子自篆延陵季子之墓其為百世以俟之法無疑我太祖太宗

二陵皆有神道碑然字體纖促易至磨滅而又既有國史則不必游記事實於碑板故其後遂寢而不復緒其意竊念我先王

深仁至德寬仁煌仁雖千萬世之遠苟有血氣之類者誰

或不尚其陵寢哉然臣子罔極之情豈可徒恃後世之人而不自為無窮之計哉伏願殿下從今日為始命

建表石大書碑刻以示後世

述而

清風府院君金佑明啓曰朝廷所定之事臣不敢有所更議而宋時烈乃山林重望寧有一言之非然人非堯舜安得每事盡善其所發言人不得議論有同卿大夫出言入莫敢矯其非者也表石乃三百年所未行之事也宋時烈



疏中有新陵石物一從 英陵減數為之補羨之語云  
英陵所無之表石今何可竊立乎國家有萬世福祿則雖  
無表石後世豈不知 先王陵寢乎如其末也則雖有表  
石亦何益哉 世宗朝典章文物大脩若是可行之事則  
當時豈不為之乎物力所入雖多不必以此為拘而 英  
陵既無表石則先代所無之事何可創開乎此出於宋時  
烈故羣臣不敢開口而 新陵若立則各陵表石又不可  
不立浮石之費極多況彼江都乃保障之地役民之事尤  
不可不慮也畿內之民不分晝夜奔走役事今若 各陵  
皆設表石則民不支堪矣且表石立於何處乎 上曰予  
意則非如常例表石之規不欲立於陵上欲立神道碑所  
立之處耳佑明曰帝王事業布在方冊不必以神道碑之

立不立有所損益明太祖洪武四年追祭伏羲以下三十  
五帝洪武去伏羲久遠而尚且祭之何事於表石哉

述而

顯宗國恤命勿造山陵靈帳殿暫奉梓宮于丁字閣

寶鑑

顯宗回山時

肅宗以

大妃勸諭停止茲引時郊筵掌

令尹鐫

稱布衣

疏言明日返虞既有往迎之命請於其日夙

駕而動達時而往臨塋永訣以洩終天之痛上命禮官

舉行都承旨金錫胄啓請還收尹鐫疏辭勉從之命不允

左相鄭致和請對力爭始許還寢

述而

肅宗即位初移用寧陵舊石於崇陵承大妃教省民力也

崇陵裁穴後去浮土之際有浮圖石侵痕迹命大臣等看  
審後啓曰掘開處雖是僧人甌錫所藏之地所掘者未滿



三尺所蓋者不過不鍊之石片決非淨屠痕迹既無傷破地脉之慮又在金井應設之外小無妨害述而

○甲寅九月 寧陵西邊排設馬石左右耳夜間破碎泰

奉鄭洙觀掌推命依 先朝已行之規帶職致送而述

○肅宗乙卯 崇陵守陵官杖聲有荒唐人自陵上下来

執提問之則自稱犯死罪而朱紅盤生梨一箇文魚一條

紫檀香酒數盃各盛一器設祭後隱置於牀石下問其姓

名則稱以救天而剪其髮有同僧人云設鞠正刑國朝典謨

○章陵泰奉李萬亨上疏略曰祭禮曰鼎俎奇而籩豆偶

陰陽之義也又曰腥肆爛膾自盡其敬而已據此可知祭

之常用牲牢也又觀祭禮圖說魚肉脯醢間以蔬果而魚

肉居內蔬果居外則據此乃知魚肉之盡貴於蔬果也

陵寢祭素饌作備於故相臣董喜或謂其意以為日後陵  
寢多所則不能堪洪億之費而有此省弊之舉古之享國  
長久莫如商周而商周君臣未嘗有以綿歷之長遠為慮  
而減其享先之禮者况我國魚肉之膳山海所產閭閻下  
賤亦能飽飫堂堂千采之國以三百六十州惟正之供豈  
不能備 園廟鼎俎之實乎意者喜亦但安麗朝酒饌而  
然也若以經費為憂則祭在於誠而已不在物之豐多故  
損之象曰二簋可用享寧體損卦之義減其多品只用一  
器之牲不猶愈於純用素膳乎臣聞油蜜果非正物也禮  
云膏煎之物褻而非敬 陵寢之祭減其油蜜果代以乾

魚脯鹽則此實從簡審久之典臣聞 新陵三年內自  
內殿別用肉膳行祭於下室云內外異饌何所據耶若以



祭用素膳為禮則下室之肉膳非禮也若以祭用肉膳為禮則陵寢之素膳非禮也

大臣金壽恒金壽興金錫胄南九萬儒臣朴世采等曰先正李珥前後章奏屢陳我朝祀典之非禮如各陵則請廢朔望祭只祭四名日文昭近思殿則請改三時祭廢二時祀而獨於陵祭用素之失一無所言及數百年導行之禮固難一朝輕變獨儒臣李翺以為我國名節上山之祭公私所通行已非古禮而宗廟忘辰祭并行於山陵者尤非禮意至若山陵素膳之祭又是非禮中之非禮宜改之上曰陵寢享祀之用素雖未知其合禮而列聖累百年導行之制倅然變改實涉重難置之

後四十五年正言洪鉉輔上疏又論素膳之非禮不報

二年丙辰六月 齊陵丁字閣盜賊突八衝火盡為燒

盡 傳曰祭器姑無見失之物雖不幸中多幸此往年

寧陵馬石碑耳之變尤有甚矣此漢輦或不無見忤於泰  
奉以致如此之變今若通改適足以中其願今姑置之以  
待決末典漢不謹守護之狀誠極痛駭擬致京獄嚴刑期  
於追捕丁字閣急速始役

述

○七年辛酉 明聖王后因山贈禮以 遺教將用嘉禮  
時幣緞宋時烈議禮有嫁時衽衣不用於襲歛之文此可  
為據贈幣既不得不新脩則雖與 遺教有異以不可已  
之意告由殯駁改用新幣為宜從之

○十年 上以謁新舊 陵儀命議大臣宋時烈議墟墓  
之間雖去墓之久尚以凶禮處之漢儀謁陵素服舉哭宋



帝謁陵號痛久之張南軒每上墓痛哭領相金壽恒所謂  
以素冠白袍無行拜笑者似得情禮之當上從之以素  
冠白袍行於舊陵喪冠裹服行於新陵

十三年丁卯

恭陵二上災

上變服避正殿三日

十九年癸酉楊州儒生輩上疏以為列聖九陵在於  
楊州乞減本州田稅收米而役之一以紓民力廟議以唯  
正之供難之上特命永減收米以示軫恤

二十四年戊寅進復

端宗莊陵

定順王后思陵

詳

宗紀

命不毀鄭家墳墓

詳復  
思陵

莊陵進復時禮判崔奎瑞言於途中曰山陵石物及丁字  
闕近陵制度比健元陵漸為壯大逐代尤甚不可無限



節而當國恤之時則臣子嚴不敢請若因此會有所定制則好矣  
上曰禮判之言甚善吾見 厚陵石物心常好矣雖

百歲後當遵用 厚陵之制矣至於丁字閣前代則三  
年祭享之所別設而今則三年祭享設於丁字閣不如此  
則不可用事勢不得不如是耳後日引對 上曰日作禮

判所達甚善凡事且從儉約日後亟子亦勿用可也頃相  
柳尚運未識其何等亟子與所用之處有所仰問副學趙  
相恩曰頃相非矣如此等語臣子何敢發口乎奎臨曰自  
古有生者不諱死有國者不諱亡 上意於喪事欲從儉  
約甚盛事也為臣子者欲詳知其所用之處而將順之有  
何不可其後 明陵之役石物倣 厚陵為之云

良齋謹



○二十六年庚辰 五陵枯松至於二萬五千株 陵寢

近處奉次知所用於燔尾稍遠之地各軍門及江華府定

日次茅出去依 宣靖陵例量宜斫取

隋舊錄

○三十年甲申 孝陵上失火 上避正殿減膳撤

樂三日

命議 孝陵失火罪人之律領相李禽議曰今此朱命哲

所犯固可謂無知妄作而至於 國陵之至嚴茲草之易

燃則渠以 本陵守護之卒雖極愚蠢豈有不知而潛自

煽火於曲牆之側以致生變延及 陵上則不可泛以失火

延燒為斷但其本情非出於設計作變與前日 章陵故

火罪人故犯者誠為有間若以好生之德特寬收司之律

則不害為欽恤之道從之

三十三年丁亥特進官閔鎮遠言 山陵忌辰祭時宜  
有自 上舉哀之節命議大臣領相崔錫鼎議儀礼士  
禮有忌日笑于宗室之文朱子家禮亦有笑祭之節然礼  
曰吾暇祭祀笑泣皆如其國之故吾祭從先祖一語雖不  
為孟子所取既載儀禮通解我朝忌辰笑泣之禮不著於  
五禮儀帝王禮典士庶有異不可輕改 祖宗已定之禮  
判樞徐宗泰議通典及皇朝集禮雖有拜陵笑泣之文忌  
辰之儀未有著見處若欲笑臨則不可以世代疎昵而有  
所編舉 君上又不可獨行儀節多有窒碍大臣南北萬  
柳尚運亦以為不可行獨判樞李奎以為宜行命依領  
相議



景宗初 明陵石物一遵 厚陵制度從也 遺

正言金民澤疏請立表石摠護使李健命啓國朝各陵

寢皆無表石癸丑 寧陵遷葬時先正宋時烈陳達請立

各 陵寢亦請並建其時 寧陵則先立表石各 陵寢

未及舉行矣 新陵表石制攝當依 寧陵此後各 陵

表石亦當次第為之此 寧陵石物稍加裁減好矣從之

○三年壬寅 純陵上上火 上變服避正殿三日

○英宗元年十月 長陵上上火 上避殿減膳

○辛亥遷 長陵于文河舊治初 長陵在楊州北雲川

里相臣趙翼疏請遷奉不聽至 肅宗十三年有許賓者

疏請遷奉議大臣宋時烈議已丑大喪趙翼上疏力請遷

政此 陵而相匡李景奭力主勿遷之論 孝廟竟從景  
奭言二疏并取而參考則可知其得失矣 上以風水之  
說不可動搖不聽至是左相李暉等白 陵上蛇虺成群  
不可不移且言當時役僧已有棄正穴用蛇穴之歌 上  
命左相趙文命往審遂移築

十年立 莊陵碑因監司尹陽來言也

十六年庚申復 端敬王后溫陵

二十年重建 齊陵神道碑初碑為壬辰倭寇所破至  
是因宗匡礪恩君梅疏遂建之

乙亥 章陵上火 上變服避殿三日 教曰李金

聲持火繩遊戲莫重之處有此延燒律文雖不故犯故火  
亦為一律則渠焉敢免也觀其為人身不滿尺餘問其年



則亦不過十三此正律文中取自上裁者也特為減死岳  
配李鳳冷身為齋即至敬之地許入砲手求索雄偉使其  
孫得大繩致有此境尤涉痛駭康津縣勿限年定配砲手  
及八番軍人不謹守直亦不直告并定配嶺東

○丁丑 仁元王后回山 上隨駕五禮儀有殿下隨引  
儀而列朝末之行至是始行

仁元回山時下教曰 太宗親詣陵所四方石用一庀者  
命作二庀仍以定制其後復用石工之費僧軍之傷事由  
於此灰久成石即一石塘又加庀石可謂文具自今勿設  
四方石誌石浮取亦一巨弊刊印之際費多而褻甚自內  
得數庀磁誌即 寧陵降庀自今用磁誌以體昔年 聖

德





園墓宮廟

仁祖朝禮官趙順懷廟祝版頭辭領樞享景奭議曰古禮有始封之君不臣諸父昆弟封君之子不臣諸父而臣昆弟之丈順懷世子係是尊行當視以不臣之屬他議者皆以為未踐其位於殿下有君臣之分只稱國王遣臣是後祭懷順墓昭顯墓及廟皆用是例

○昭顯廟在都城內北初與順懷同廟享昭顯及懿懷嬪肅宗四年埋安順懷神主獨享昭顯戊戌始以懿懷嬪祔享昭顯廟

○肅宗四年禮官言明宗既祧遷陵所只祭寒食順懷則尚行四時祀忌祭於禮不可上遂命埋世子及恭懷嬪主於墓所只存寒食一祭

孝宗八年 上拜昭顯墓閱鼎重創曰臣伏聞 聖駕  
拜謁 孝陵又將親臨昭顯世子墓所臣等謹按漢史章  
帝巡狩至東平親幸獻王陵祀以太牢親拜祀坐矢盡哀  
夫獻王之於章帝以親則諸父也以分則臣子也章帝以  
天子之尊拜諸侯之墓用家人之禮而後之君子不以為失  
今 殿下之於昭顯以親則兄也以分則非臣之比也又  
殿下之在潛邸曾有尊事之義則諸父與兄所敬同也天  
子之於諸侯當予之於 先朝世子其分似異章帝既拜  
於獻王則 殿下之拜於昭顯似非過禮宜親祀酹酌以  
伸至情仍行再拜禮羣臣用平日所事之禮然後方合於  
情文也

肅宗以子議定頃懷昭顯墓守直事宜領相崔錫鼎議



曰唐史諸太子並建陵廟分署置官列吏卒祠官進饗問  
元中右拾遺陳貞節以為四太子園祀時薦有司守衛與  
列帝侔於禮無名請罷吏卒祠官許所後子孫奉之詔有  
司時議駕部員外裴子餘曰四太子皆先帝冢嗣列聖念  
懿屬而為之享天子駕親之以及壽期不可廢也於是四  
陵廟雖祓吏卒之半餘如舊以此推之則兩墓奉守之儀  
可以折衷矣宗室及功臣忠義中二員稱以某墓守衛官  
守直為宜從之

○肅宗戊戌命復愍懷嬪墓

詳仁祖紀

○己亥始命世子及嬪墓獻官差送朝官

補端午中秋墓祭自駕蒞國始而端午為尤重





# 藏胎

宣廟卽位朝議欲依 祖宗例擇地藏聖胎求于潛邸得之園北松林間乃擇地將藏于江原道之春川功役辛畢審其正穴是古藏也乃移于黃海道之江陰開基之際去正穴數十步外有埋小甕者或亦疑其古藏觀察使具思孟曰此非正穴且只有小甕無他物不可以此輕廢大役衆議乃定功役亦垂畢朝廷聞其事憲府論思孟不啓稟之罪罷之大臣以為不當藏于汚穢之處乃移于忠清之林川時百姓飢謹勞於運石一歲 聖胎害遍三道

人君崇高已極故人臣不以承奉為敬而以責難為恭當此凶荒生民塗炭之際大臣臺諫不汲仁於主救民而惑於不經之說屢移 聖胎竭三道民力而莫之

恒何哉 山陵卜兆重於藏胎而猶不避古葬至於掘  
入墳墓而藏胎猶避古藏何歟且國內峯巒只有此數  
歷世無窮藏胎不可再用則抑求之他境乎其非可結

之道明矣

石潭  
日記

宣祖乙亥瑞山奸民欲害其寧打破 明宗胎峯石欄



廟庭配享

太祖配享

宗廟配享臣題主中權字仁字以覽字書之

晦隱

顯宗配享初以鄭太和趙綱全佐明為之未及祔廟臺諫以鄭太和與於謨禮之論爭之還寢矣後四年庚申

上以配享無相臣未安遂命二品以上三司會議于賓廳羣議多以為然仍命圖點復以鄭太和追配於夏享大祭三司又以趙綱於先王無一日之雅請點配至辛酉六月從之





士庶喪祭

高麗專奉釋氏家廟之制不明士大夫皆不以禮祀先自  
鄭文忠夢周倡明道學嚴立祭祀之儀然後家仁立祠堂  
始傳家於嫡嗣無子者必立後國家大享用孟月士大夫  
時享用四仲月

幅霽  
最註

國初趙浚疏言吾東方家廟之法廢弛願自今一用朱  
子家禮大夫以上祭三世六品以上祭二世七品以下至  
庶人止祭稱擇淨室一間各為龕以藏其神主以成追遠

之風

海東  
雜錄

太宗曰古者天子七月諸侯五月大夫三月士踰月而  
葬今或有踰年未葬者甚乖古制且或置原野以為某年  
某年某日犯某子某孫生日計其子孫利害如子孫衆多

者或至二三年不葬者亦多有之俚俗無至不可不變吏判朴言曰陰陽家集諸家葬書異論蜂起誑惑齊民請全書雲觀撮其大要其他怪異之書悉除之

寶鑑

太宗嘗曰先王制禮自天子至於大夫士葬期各有月數後世陰陽家拘於多忌踰時不葬如太歲壓本命葬師最忌予嘗驗之再矣而大無妨也遂命大臣鄭以吾等遍閱羣書取其正論去其邪說集成一書名曰葬日通要頒布中外

寶鑑

### 太宗葬誠寧大君

世宗七年憲府劾過期不葬其妻者上曰尊卑貴賤葬期各有定制世人惑於陰陽拘忌禍福之說久不克葬曾命集葬日通要頒諸中外雜凡妖書悉命火之其有潛



匿妖書者按律科斷

世宗十年傳曰人子之於父母生則盡其孝歿則致其哀天性之自然也高麗之季無知之民類生邪心父母歿則毀其家或垂死氣猶未絕出置外舍雖有復生之理終不免焉及葬多會香徒置酒張樂無異平日今邇俗未殄予甚軫慮嗚呼人國各有秉彝之天誰不愛其父母但徇於習俗不之思耳今攸司明示教條俾知舊習之污咸得自新以成仁孝之風

成宗初傳曰人子之於其親歿則當卜宅兆以安體魄無知之民或有不葬其親而焚燒之其毀風俗傷彝倫甚矣祖宗以來已有禁令然恐習俗猶前自今內而憲府外而監司字令痛加禁斷如有犯者依律抵罪

我國士大夫喪禮自先王朝父母三年喪則皆居廬終制其暮服以下則只着布帶或於練服之上加之其日數則依家禮假寧棺以此咸殺終其日卽除之雖未葬而聽樂宴飲自在人無怪者宣廟卽位之初學者從遊儒先門下漸講喪禮期功以下皆依禮製冠服盡其月數不預宴樂當初為俗論者怪而排之間有好礼之士冒非笑而行之今則幾乎成俗其不為者指為鄙野且於忌祭皆純用素饌若或依家禮用魚肉則莫不駭異今則窮村僻巷婦人小子皆知祭羞當用魚肉魚肉不備如不祭信乎轉移風俗在君子之德非難事而先生長者教導學者之功



近古國俗晚父母喪未及終制者皆用黑五十竹草笠  
垂黑木纓白衣白帶以至禫過而純吉蓋中古我國士人  
平時常著塗黃白草笠若今之上駸別監奴子及司僕寺  
牽馬夫所著故也其後所著草笠變白為黑而禫前之笠  
亦從而黑矣白布裹笠則唯國恤著之右相盧守愼遭父  
喪以喪後遽黑為未安用白衣笠鄭澈亦倣而用之自後  
禫前之笠或白布或白草或黑草各任所見無定制校理  
申點啓於經筵定以白布笠

臣請  
瑣語

○我國哀服常用於父母之喪而已自兄弟以外皆著布  
帶日月久近循國典給暖之限而已李浚慶為其兄潤慶  
服哀自後士類頗有服其祖父母兄弟以及伯叔父母者  
遂為近世厚風

臣請  
瑣語



○睿宗祖金磧言伏聞軍士雖哀經願侍衛者聽臣謂忠孝非二致前朝之末不行三年之喪自國初喪制復古此甚義法若聽其願貪位苟冒皆不行三年喪臣恐短喪之議從此而起請改之上從之

補宋王林野客叢書王莽作威斗以五石銅為之若如斗欲以壓勝南史有人於塚上得一銅斗何承天謂此亡新威斗也莽三公亡者賜之啓塚果有銘云大司馬甄邯之墓蓋為壓勝者也此七星板之權輿朱子從俗為之其義未著意者解除魔邪如方相石奴之類

僊說



